

motis virtutibus, signum istud glorificum Redemptio-
nis nostræ apparuerit in cœlo, ipsi de morte ad vitam
transire, ac perpetua beatæ resurrectionis videre gau-
dia mereamur.

*Quod sequitur dicit submissa voce legendo, ita tamen
quod à circumstantibus audiri possit.*

Per eundem Dominum nostrum Jesum-Christum
Filium tuum : Qui tecum vivit et regnat in unitate
Spiritus Sancti Deus, per omnia sæcula sæculorum.
¶. Amen.

OREMUS.

Deus, qui beatæ Crucis patibulum, quod prius erat
scelestis ad pœnam, convertisti redempti ad vitam :
concede plebi tuæ ejus vallari præsidio, cuius est ar-
mata vexillo. Sit ei Crux fidei fundamentum : spei suf-
fragium, in adversis defensio, in prosperis adjuvamen-
tum ei in hostes victoria, in civitate custodia, in cam-
pis protectio, in domo fultura ; ut per eam pastor in
futuro gregem conservet incolumem, quæ nobis Ag-
no ✠ vincente, conversa es in salutem. Per eundem
Dominum nostrum Jesum-Christum Filium tuum :
Qui tecum vivit et regnat in unitate Spiritus Sancti
Deus, per omnia sæcula sæculorum. ¶. Amen.

OREMUS.

Sancti ✠ fica, Domine Jesu-Christe, signaculum
istud Passionis tuæ, ut sit inimicis tuis obstaculum,
et credentibus in te perpetuum efficiatur victoriæ ve-
xillum : Qui cum Deo Patre vivis et regnas in unitate

Spiritus Sancti Deus, per omnia sæcula sæculorum.
¶. Amen.

*Tum offertur Pontifici seu Sacerdoti thus in navicula,
quod benedicit, dicens :*

OREMUS.

Domine Deus omnipotens, cui assistit exercitus An-
gelorum cum tremore, quorum servitium spirituale et
igneum esse cognoscitur, dignare respicere, bene ✠ di-
cere, et sancti ✠ ficare hanc creaturam incensi ; ut om-
nes languores, omnesque infirmitates atque insidiæ ini-
mici odorem ejus scientes effugiant, et separantur à
plasmate tuo ; ut numquam laedatur à morsu antiqui
serpentis quod pretioso Filii tui sanguine redemisti.
Per eundem Christum Dominum nostrum. ¶. Amen.

*Quo facto, Pontifex seu Sacerdos imponit thus in
thuribulum. Deinde aspergit Crucem aqua benedicta, et
mox eam incensat. Postea stans dicit :*

Sanctificetur lignum istud, in nomine Pa ✠ tris, et
Fi ✠ lii, et Spiritus ✠ Sancti : et benedictio illius ligni,
in quo membra sancta Salvatoris suspensa sunt,
sit in isto ligno ; ut orantes inclinantesque se propter
Deum ante istam Crucem, inveniant corporis et ani-
mæ sanitatem. Per eundem Dominum, etc. ¶. Amen.

*Tum flexis ante Crucem genibus, ipsam devote adorat,
et osculatur. Idem faciunt quicumque alii voluerint.*

*Si vero Crux est ex metallo vel lapide, loco præ-
cedentis orationis, videlicet, Sanctificetur, etc., stans di-
cit sequentem orationem :*

Deus gloriæ, Deus excelse Sabaoth, fortissime Em-

manuel, Deus Pater veritatis, Pater sapientiae, Pater beatitudinis, Pater illuminationis, ac vigilationis nostrae, qui mundum regis, qui cuncta regna disponis, qui es bonorum collator munera, et bonorum omnium attributor; cui omnes gentes, populi, tribus, et linguae serviunt; cui assistit omnis Angelorum legio; qui largiris famulis tuis fidem et laudem tui nominis, ut debita tibi oblata persolvant; cui prius fides offerentium complacet, deinde sacrificatur oblatio: quæsumus exorabilem misericordiae tuæ pietatem, ut sancti **X** fices tibi hoc signum Crucis et conse**X** cres, quod tota mentis devotione famulorum tuorum religiosa fides construxit, trophyum scilicet victoriae tuæ ac redemptio*n*s nostræ, quod in amorem Christi triumphalis gloria consecravit. Aspice hoc signum Crucis insuperabile, per quod diaboli est exinanita potestas, mortalium restituta libertas: quæ licet fuerit aliquando in peccatum, sed nunc versa est in honorem per gratiam; et quæ reos quondam puniebat suppicio, nunc et noxios absolvit à debito. Et tibi quid per hoc placere potuit, nisi id per quod tibi placuit nos redimere? Et nullum tibi debitum amplius munus est, quam quod tibi nunc corporis dedicavit affixo; nec tibi est magis familiaris oblatio, quam quæ familiari manuum tuarum extensione sacra est. Illis ergo manibus hanc Crucem accipe, quibus illam amplexus es, et de sanctitate illius hanc sancti **X** fice; et sicuti per illam mundus expiatus est à reatu, ita offerentium famulorum tuorum animæ devotissimæ hujus Crucis merito, omni careant perpe-

trato peccato; et tuæ veræ Crucis obtectu, emitescant successibus assiduis triumphatores. Radiet hic unigeniti Filii tui Domini nostri splendor divinitatis in auro; emicet gloria passionis ejus in ligno; in Cruce rutilat nostræ mortis redemptio; in crystalli splendore vitæ nostræ purificatio. Sit suorum protectio; spei certa fiducia; eos simul cum gente et plebe, fide confirmet; spe et pace consociet; augeat triumphis, amplificet in secundis; proficiat eis ad perpetuitatem temporis, ad vitam æternitatis; ut eos temporali florentes gloria muniat, et ad perpetuam redemptos coronam, ad regna cœlestia potenti virtute perducat. Præsta per propitiationem Sanguinis ejus, per ipsum datorem, qui seipsum dedit redemptionem pro multis, qui se hostiam pro delictis offerre dignatus est, qui exaltatus in ligno Crucis suæ principatus et potestates humiliavit: qui tecum sidereo consideret throno, indissolubili connexione Spiritus Sancti, per infinita sæcula sæculorum. **R.** Amen.

Tum flexis ante Crucem genibus, eam devote adorat, et osculatur; idem faciunt quicumque alii voluerint.

BENEDICTIO IMAGINUM JESU-CHRISTI DOMINI NOSTRI, BEATÆ MARIE VIRGINIS, ET ALIORUM SANCTORUM.

(Ex Pont. et Rit. Rom. et Col. P. Sannig).

N. Adjutorium nostrum in nomine Domini.

R. Qui fecit cœlum et terram.

N. Domine, exaudi orationem meam.

R. Et clamor meus ad te veniat.

N. Dominus vobiscum. **R.** Et cum spiritu tuo.

OREMUS.

Omnipotens sempiterne Deus, qui Sanctorum tuorum imagines (*sive effigies*) sculpi, aut pingi non reprobas, ut quoties illas oculis corporis intuemur, toties eorum actus et sanctitatem ad imitandum memoriae oculis meditemur: hanc, quæsumus, imaginem (*seu* sculpturam in honorem et memoriam Unigeniti Filii tui Domini nostri Jesu-Christi, *vel* Beatissimæ Virginis Mariae Matris Domini nostri Jesu-Christi, *vel* beati N. Apostoli tui, *vel* Martyris, *vel* Confessoris, *aut* Pontificis, *aut* Virginis) adaptatam bene $\ddot{\chi}$ dicere, et sancti $\ddot{\chi}$ ficare digneris: et præsta ut quicumque coram illa Unigenitum Filium tuum (*vel* Beatissimam Virginem, *vel* gloriosum Apostolum, *sive* Martyrem, *sive* Confessorem, *aut* Virginem) suppliciter colere et honorare studuerit, illius meritis et obtentu à te gratiam in præsenti, et æternam gloriam obtineat in futurum. Per Dominum nostrum Jesum-Christum Filium tuum: Qui tecum vivit et regnat in unitate Spiritus Sancti Deus, etc. *R.* Amen.

Ultimo aspergat eas aqua benedicta.

ALIA BENEDICTIO ICONIS, SEU IMAGINIS.

(Ex Collectar. Saer. Ord. FF. PP. et Col. P. Sannig.).

- V.* Adjutorium nostrum in nomine Domini.
- R.* Qui fecit cœlum et terram.
- V.* Domine, exaudi orationem meam.
- R.* Et clamor meus ad te veniat.
- V.* Dominus vobiscum. *R.* Et cum spiritu tuo.

OREMUS.

Omnipotens sempiterne Deus, Majestatem tuam suppliciter exoramus: ut Iconem hanc, in qua glorio-sima Imago (*vel* Imagines) tua, et Filii tui Domini nostri Jesu-Christi, *vel* glorio-sæ Virginis Mariae Matris ejus, *vel* Sanctorum N. et N: depicta est (*vel* sunt) bene $\ddot{\chi}$ dicere, et sancti $\ddot{\chi}$ ficare digneris, atque qui-cumque ob devotionem se ad ipsam devote adoran-dam inclinaverint, salutem mentis et corporis conse-quantur, et à cunctis periculis liberentur: et quid-quid juste petierint, obtinere mereantur: Per eundem Christum, etc.

Aspergatur aqua benedicta.

ALIA BENEDICTIO IMAGINIS B. MARIAE VIRGINIS.

(Ex Pontif. Rom.).

Pontifex seu Sacerdos benedicturus imaginem beatæ Mariae Virginis, paratus supra rochetum, stola, pluviali albi coloris stans, dicit:

- V.* Adjutorium nostrum in nomine Domini.
- R.* Qui fecit cœlum et terram.
- V.* Domine, exaudi orationem meam.
- R.* Et clamor meus ad te veniat.
- V.* Dominus vobiscum. *R.* Et cum spiritu tuo.

OREMUS.

Deus, qui de beatæ Mariae Virginis utero Verbum tuum, Angelo nuntiante, carnem suscipere voluisti:

præsta supplicibus tuis; ut qui vere eam Genitricem
Dei esse credimus, ejus apud te intercessionibus adju-
vemur. Per eumdem Christum Dominum nostrum.

R. Amen.

*Quo facto, aspergit figuram aqua benedicta. Deinde
inchoat, schola prosequente antiphonam:*

Sub tuum præsidium.

*Qua incepta, et dum ea cantatur, thurificat imagi-
nem ipsam ter ducens thuribulum. Deinde sedet, donec
compleantur Antiphonæ et Psalmi sequentes.*

Sub tuum præsidium confugimus, sancta Dei Geni-
trix, nostras deprecationes ne despicias in necessitati-
bus: sed à periculis cunctis libera nos semper, Virgo
gloriosa et benedicta.

Tempore paschali Antiphona: Alleluia, alleluia.

PSALMUS LXXXVI.

Fundamenta ejus in montibus sanctis: * diligit Domi-
nus portas Sion super omnia tabernacula Jacob.
Gloriosa dicta sunt de te, * civitas Dei.
Memor ero Rahab et Babylonis, * scientium me.
Ecce alienigenæ, et Tyrus, et populus Æthiopum, *
hi fuerunt illic.

Numquid Sion dicet, Homo, et homo natus est in
ea: * et ipse fundavit eam Altissimus?
Dominus narravit in scripturis populorum et princi-
pum; * horum qui fuerunt in ea.
Sicut lætantium omanum, * habitatio est in te.
Gloria Patri, et Filio, et Spiritui Sancto, etc.

Deinde dicitur Antiphona:

Ave Maria, gratia plena, Dominus tecum: Bene-
dicta tu in mulieribus. Alleluia.

PSALMUS CXXII.

Ad te levavi oculos meos, * qui habitas in cœlis.
Ecce sicut oculi servorum, * in manibus dominorum
suorum.

Sicut oculi ancillæ in manibus dominæ suæ: * ita ocu-
li nostri ad Dominum Deum nostrum, donec mise-
reatur nostri.

Miserere nostri Domine, miserere nostri: * quia mul-
tum repleti sumus despectione.

Quia multum repleta est anima nostra: * opprobrium
abundantibus, et despectio superbis.

Gloria Patri, et Filio, et Spiritui Sancto, etc.

Finitis Antiphonis et Psalmis prædictis surgit et dicit:

OREMUS.

Deus, qui virginalem aulam beatæ Mariæ Virginis,
in qua habitares, eligere dignatus es: da quæsumus,
ut sua nos defensione munitos, jucundos facias suæ
interesse commemorationi: Qui vivis et regnas cum
Deo Patre in unitate Spiritus Sancti Deus per omnia
sæcula sæculorum. R. Amen.

Deinde incipit Antiphonam, schola prosequente:

O gloriosa Dei Genitrix Virgo semper Maria, quæ
Dominum omnium meruisti portare, et Regem Ange-
lorum sola Virgo lactare: nostri, quæsumus, pia me-
morare, et pro nobis Iesum-Christum deprecare, ut

tuis fulti patrocinii, ad cœlestia regna mereamur
pervenire.

Canticum B. Mariæ Virg. Lucæ, 1.

Magnificat * anima mea Dominum.
Et exultavit spiritus meus * in Deo salutari meo.
Quia respexit humilitatem ancillæ suæ : * ecce enim
ex hoc beatam me dicent omnes generationes.
Quia fecit mihi magna qui potens est, * et sanctum no-
men ejus.
Et misericordia ejus à progenie in progenies * timen-
tibus eum.
Fecit potentiam in brachio suo : * dispersit superbos
mente cordis sui.
Deposit potentes de sede , * et exaltavit humiles.
Esurientes implevit bonis : * et divites dimisit inanes.
Suscepit Israel puerum suum, * recordatus misericor-
diæ suæ.
Sicut locutus est ad patres nostros, * Abraham , et se-
mini ejus in sæcula.
Gloria Patri, et Filio, et Spiritui Sancto, etc.

Deinde dicit :

OREMUS.

Deus , qui de beatæ Mariæ Virginis utero Verbum
tuum , Angelo nuntiante, carnem suscipere voluisti :
præsta supplicibus tuis; ut qui vere eam Genitricem
Dei esse credimus, ejus apud te intercessionibus adju-
vemur. Per eumdem Christum Dominum nostrum.
¶. Amen.

OREMUS.

Omnipotens sempiterne Deus, clementissima cuius
dispositione cuncta creaturæ ex nihilo, hanc imaginem
in honorem piissimæ Genitricis Filii tui Domini nostri
Iesu-Christi venerabiliter adaptatam bene ✕ dicere, et
sancti ✕ facere digneris : et præsta misericordissime
Pater, per invocationem nominis tui, atque ejusdem
unigeniti Filii tui Domini nostri Jesu-Christi, quem
pro salute generis humani integritate Virginis Mariæ
servata incarnari voluisti, quatenus precibus ejusdem
sacratissimæ Virginis, quicumque eamdem misericor-
diæ Reginam , et gratiosissimam Dominam nostram
coram hac effigie suppliciter honorare studuerit, et de
instantibus periculis eruantur, et in conspectu divinæ
Majestatis tuæ de commissis veniam impetrent ; ac me-
reantur, in præsenti gratiam quam desiderant adipisci ; et in futuro perpetua salvatione cum electis tuis
valeant gratulari. Per eumdem Dominum nostrum Je-
sus-Christum Filium tuum : Qui tecum vivit et reg-
nat in unitate Spiritus Sancti Deus, per omnia sæcula
sæculorum. ¶. Amen.

Ultimo asperget imaginem aqua benedicta.